



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Illvstrivm Societatis Iesv. siue in Anni dies  
digestæ Mortes Illvstres Eorum qui ex eadem Soc. Iesu, in  
odium fidei, pietatis, &c. ... confecti sunt**

**Nádasi, János**

**Romæ, 1657**

P. Michaël Caruallius.

**urn:nbn:de:hbz:466:1-44029**

*P. Petrus Michaël Brilmacher.*

*German<sup>o</sup>.  
Mogūtia.  
25 Aug.  
1595.  
ætat. 53.  
Soc. 37.*

*Fides.*

Cum quâ voce, quâ libris typo editis hereticos ad silentium vsque compelleret, propinatum ei ab illis venenum est, quod nullis planè pharmacis domari ac vinci potuit. Vir fuit magni animi, linguarum peritus, felicis eloquentiæ in conuersione multorum; apprimè charus Principibus, & humanitate ac humilitate prorsus eximiâ.

*P. Michaël Carnallius.*

*Iustianus.  
Omura.  
25. Aug.  
1624.  
ætat. 47.  
Soc. 27.*

*Oratio.*

Olim puer Isaacum egerat in theatro, vt suæ morti præluderet; ad quam per magna pericula virtutesque peruenit. Aliquando biremi fractâ, natatu euasit ad littus. Omnes quæ ad spiritum attinent functiones, se-

xis



xis genibus obibat. Diuino  
sacrificio celebrando se per *Sacrum.*  
horam solidam præparabat,  
& aliam horam integram  
dabat reddendis gratijs.  
Beatissimæ Dei Matri reli- *B.V.*  
giosè addictus quotidie se *Mortif.*  
cædebat, cilicio quâ è fetis  
texto, quâ ferreo persæpè  
accinctus. In Iaponia erumne  
illi in delicijs, maximè cùm  
per menses tredecim in car- *Fides.*  
cere se videret; quo tempo-  
re incredibili martyrij de-  
siderio tenebatur, optabat-  
que pro Christo particula-  
tim incidi. Ibi quoque duos  
excubitores ad Christum  
conuertit. Ad mortem du-  
ctus, crucem ipse portauit,  
cum socijs psalmos canens.  
Primus ipse palo alligatus,  
& cum illo religiosi alij plu-  
res; atque omnes dum arde-



*IESVS*      rent *IESVM & MARIAM*  
*MARIA.*    pronunciauêre, atque vixê-  
 re.

*P. Michaël de Vrrea.*

*Hispanus,*  
*in Perua-*  
*na.*  
*apud*  
*Ciuncas,*  
*28. Aug.*  
*1597.*  
*etat 42.*  
*Pauper-*  
*tas.*

*Mortif.*

In Peruuium anno 1585. traiecit: duo gentis idioma-  
 ta confestim perdidicit. Re-  
 ctoris officium cum lachry-  
 mis deprecatus, paupertatis  
 impensè amans, angulum  
 pro cubiculo habuit, quod  
 illum vix caperet, atque in  
 quo ob loci humilitatem  
 erectus stare non posset. Re-  
 liquarū virtutum diues cū  
 esset, super alias ditior fuit  
 seuerâ in se asperitate, ac hu-  
 militate. Cibis illi herbæ, ac  
 radices; lectus in sarmentis,  
 quotidiana & cruenta flagel-  
 latio, nulla humana solatia  
 in ærumnis. Anno 1596. ad  
 Ciuncas primus è Societate  
 destinatus, quotidie se cruē-  
 ta-